



3. SMOTRA SAVEZA IZVIĐAČA FBiH POD ISTIM KROVOM

Bilten br.1, juni 2023.



MOTO SMOTRE

„POD ISTIM KROVOM“ (UNDER THE SAME ROOF) opisuje motivaciju naših članova da ostave svijet boljim nego su ga zatekli. U vrijeme kada adolescenti i mladi u Bosni i Hercegovini i regionu nemaju priliku kroz redovno formalno obrazovanje posjetiti i upoznati svoje vršnjake preko entitetskih/nacionalnih granica, izviđački kampovi za njih postaju nešto posebno. Pretpostavlja se da samo u BiH ima 770.000 mladih ljudi što je za 315.000 manje nego 1991. godine kada ih



je bilo 1.091.775. Stopa razmjene mladih i onih koji će uskoro pripadati skupini mladih, manja je od 40 posto i među najnižima je u svijetu. Sve češća retorika u našem regionu koja podsjeća na izjave iz devedesetih prije rata, nacionalna retorika političara uzrokuje, osim nedostatka sredstava za putovanja i druženja u slobodno vrijeme, skepticizam prema vršnjacima i zaziranje od „onih drugih“. A koje bolje mjesto pokazati suprotno i napraviti prostor po „mjeri i željama mladih“ nego pod vrhovima Prenja i na plažama Boračkog jezera?

REZERVIŠITE DATUM 15-22. JULI 2024. GODINE

www.sifbih.ba
sifbih@sifbih.ba



ZAŠTO JE SMOTRA (JAMBOREE) VAŽNA IZVIĐAČIMA I MLADIMA?

Ovo su datumi kada će se desiti najveći događaj za adolescente i mlade u prirodi, na otvorenom. Izviđači će okupiti svoje vršnjake iz više od 100 gradova i mjesta BiH, regiona, Evrope i svijeta. U pitanju je najduži i najbrojniji organizovani boravak u prirodi za adolescente i mlade koji se desio u našoj zemlji od završetka ratnih dešavanja.

SMOTRA (JAMBOREE) SAVEZA IZVIĐAČA FBiH!

3. smotra SIFBIH-a će biti jedinstveno iskustvo i XXL događaj za adolescente i mlade koje se poklapa sa nekoliko važnih jubileja:

- 30 godina od inicijative za formiranja SIFBIH-a.
- 25 godina od prijema izviđača Bosne i Hercegovine u Svjetsku organizaciju izviđačkog pokreta (WOSM).
- 65 godina od Smotre Saveza izviđača Jugoslavije na Boračkom jezeru.

PROGRAM SMOTRE

Obrazovni program smotre je osmišljen u nekoliko programskih paketa sa naglaskom na komponente: sigurni od nasilja, zaštita životne sredine, mirovno obrazovanje, rad sa drugima i rad za druge. Smotra je osmodnevni boravak u prirodi čiste strane mladosti u „hotelu sa milion zvjezdica“, kroz koji ćete steći vještine, iskustva i prijateljstva za cijeli život. Učesnici, zajedno sa našim timom smotre će imati priliku da rade u mješovitim grupama, rade jedni sa drugima i rade jedni za druge tokom ovog kampa, te upoznaju interkulturalnu dimenziju izviđaštva kao snagu za budućnost.

MJESTO ODRŽAVANJA BORAČKO JEZERO

Boračko jezero leži na severoistočnom podnožju planine Prenj, na nadmorskoj visini 397 m. Sa zapada ga okružuju strmi i šumoviti visovi Crne gore (1343 m), a sa istoka Tranjine (1055 m). Basen jezera je nastao u Boračkoj dragi procesom glacijalne erozije. Dugačko je 786, a široko 402 m. Površina mu iznosi 0,26 km². Dužina jezerske obale je 2,4 km. Jezero je najdublje u jugoistočnom užem delu oko 17 m, a sadrži približno 2,5 mil.m³ vode, koja je zbog bistrozeleno boje prozirna i do 8,3 m. Voda je najtoplija u avgustu (oko 25 °C), a najhladnija u februaru (0 °C).

Boračko jezero dobija vodu od Boračkog potoka i brojnih okolnih izvora, kojih ima i po dnu jezera. Iz jezera ističe Šištica, koja se posle kratkog toka klisurom dugom 6 km i dubokom 60 m ruši 30 m visokim vodopadom u reku Neretvu.

Boračko jezero je sa svoja **4 izviđačka centra** (SIG Zenica, OI „Neretva“ Konjic, OI „Stari Grad“ Mostar i OI „Neretva“ Mostar) više od 60 godina mjesto okupljanja izviđača i mjesto koje su brojne generacije obilježila refrenom iz jedne popularne pjesme „... **tamo gdje ljubav počinje!**“

